

繡刻義俠

記定本

目錄

第一齣 家門

第二齣 遊寓

第三齣 訓女

第四齣 除兇

第五齣 誨淫

第六齣 旌勇

第七齣 設伏

第八齣 叱邪

第九齣 孝貞

第十齣 委囑

第十一齣 遺難

第十二齣 萌奸

第十三齣 奇功

第十四齣 巧構

第十五齣 被盜

第十六齣 中傷

第十七齣 悼亡

第十八齣 雪恨

第十九齣 薄罰

第二十齣 止觀

第二十一齣 論交

第二十二齣 失霸

第二十三齣 釋義

第二十四齣 締盟

第二十五齣 取威

第二十六齣 再創

第二十七齣 秘計

第二十八齣 厚誣

第二十九齣 全軀

第三十齣 報怨

第三十一齣 解夢

第三十二齣 挂羅

第三十三齣 征途

第三十四齣 振旅

第三十五齣 廷議

第三十六齣

恩榮

義俠記

明沈璟著

第一齣 家門

〔臨江月〕〔未上〕眼見人生無百歲。何妨終日逍遙。花間席上暗香飄。和風春倚袖。明月夜聞簫。今古英雄稱義俠。報恩雪忿名高。請看名將出衡茅。談言微中處。莫認滑稽曹。

〔沁園春〕宋世清河。武松名氏。上應星文。自橫海郡中。暫辭柴進。景陽崗上。醉打山君。仗義除奸。報兄誅嫂。刺配從容赴孟城。相逢處。孫娘認義。夫壻識張青。孟州喜遇施恩。濟弱鋤強。受蹇迍。向飛雲浦裏。提刀大鬧。鴛鴦樓內。濺血餘痕。別館孤貧。孝姬苦節。正倚孫娘寄客身。還相聚。夫妻黨類。同作宋朝臣。

景陽崗英雄打虎。

陽穀縣奸黨遭刑。

孟州道恩讎兩報。

梁山泊夫婦榮名。

第二齣 遊寓

〔滿庭芳〕〔生戴青巾布衣鑲帶上〕幼習韜鈴。長閑弓馬。功名未遂鷹揚。片言然諾。結客少年場。凜凜英姿義膽。論男兒俠骨生香。關情處。雁行斷影。何地隔參商。

〔鷓鴣天〕湖海元龍氣未平。相逢劇孟意方傾。百年此日看交態。千古誰人不世情。腰下劍。膝邊橫。男兒本自重橫行。寧爲紫塞千夫長。不作青衿一老生。小生姓武名松。本貫清河人氏。幼年不幸。父母雙亡。止有親兄一人。從幼失散。近聞他在陽穀縣居住。時常念想。未得依歸。我父母存日。曾聘賈氏爲配。因小生家業凋零。江湖飄泊。以此伉儷未諧。久聞鄆城有個宋公明。人稱爲及時雨。意欲投奔他去。只爲此間柴皇親意氣相合。不忍違辭。他曾着人來約。說今日到此看我。想此時將到也。

〔小生上末小丑隨上小生〕

〔緱山月〕先代慶源長。橫海衍天潢。青春綠鬢氣昂昂。但論文講武。招賢好客。國士無雙。小生柴進。世居滄州。籍金枝玉葉之榮。收虎略龍韜之俊。喜得武二哥遠來相顧。一向留在東莊。今日特往探望。迤邐行來。已到莊上了。家僮快去通報。〔末小丑〕理會得。〔報介〕武二官人。

我們大官人到了〔生〕在那裏。〔迎見介小生〕武二哥拜揖。〔生〕大官人拜揖。〔小生〕這幾日家下多事。有失候問。今特與兄少敘片時。〔生〕小弟蒙兄相留已久。卽欲別兄前去尋訪宋公明。他日再來聚首。〔小生〕昨聞宋公明爲事出逃。想他必來看我。兄長再住幾日。就在此相會何如。〔生〕如此甚好。〔小生〕看酒來。〔衆〕有酒。〔小生送酒介〕

〔玉芙蓉〕想我塵埃跡未彰。天地身何往。嘆窮途青眼。更誰相向。嘔。不平氣吐虹霓上。報德心懸日月光。〔合〕年方壯。論男兒當自強。漫學他楚囚悲憤淚沾裳。

〔前腔〕〔小生〕時才若處囊。世態如翻掌。羨君家交誼。古人不讓。虎頭自有封侯相。珠履寧同食客行。〔合前小生〕小弟告辭了。明日再來請教。〔生〕多勞了。〔別介〕

〔生〕飛揚跋扈爲誰雄。

〔小生〕十載青春不負公。

〔末丑〕無限心中不平事。

〔合〕一番清話又成空。

第三齣 訓女

〔生查子〕〔老旦上〕生計拙如鳩。庭院花如繡。〔旦上〕母訓自祇承。女德慚閨秀。

母親萬福。〔老旦〕若真孩兒到來。〔謁金門〕空相憶。無計與傳消息。游子天涯常浪跡。寄書何處覓。

〔旦〕春睡覺來無力。落絮隨風颺白。倚遍欄杆空日夕。斷腸芳草碧。〔老旦〕老身清河縣魏氏之女。

賈門之婦。良人早喪。止生一女。從幼許聘武二郎。奈因他父母俱亡。少年飄泊。我的兒。幾時是你于

歸的日子。〔旦〕母親膝下無人。孩兒正好朝夕奉養。此事不須提起。請母親訓誨若真一番。〔老旦〕

我的兒。

〔三學士〕你四德三從雖自守。奈家徒四壁堪憂。寒門子母空凝望。芳草王孫

只浪游。〔合〕苦樂終身猶未剖。從天降。莫預謀。

〔前腔〕〔旦〕烏鳥衷情尙未酬。何心燕侶鶯儔。亂離時世誰相保。爭如我。少小

深閨不解愁。〔合前〕

〔大趺鼓〕〔老旦〕凝眸上翠樓。何時得見子壻封侯。兒。你今春更比前春瘦。只

怕他心不似你心頭。〔合〕莫把離情無端自兜。

〔前腔〕〔旦〕忘憂堂北頭。桑榆景暮。門巷清幽。娘兒孫有福兒孫受。你得優游處。且優游。〔合前〕

〔旦〕鶯啼繡戶曉雲深。

漸覺池塘有綠陰。

〔老旦〕但願應時還得見。

果然勝似岳陽金。

第四齣 除兇

〔水紅花〕〔淨末獵戶上〕官司懸賞有明文。捕山君。看看着緊。咱們獵戶受災連。枉艱辛。徘徊難進。退則恐違嚴限。進又恐亡身。算來總是命難存也囉。〔末〕我們是陽穀縣獵戶。只爲景陽岡上有一吊睛白額虎爲害。本縣大爺立限與俺們。務要捉獲。但此虎猛惡異常。俺們如何拿得。〔淨〕哥。俺們只得穿着虎皮。伏在嶺下。各處多擺些窩弓藥箭。待他自來納命便了。〔末〕說得有理。正是路狹難迴避。〔淨〕官差不自由。〔隱下生上〕道傍車馬日繽紛。行路悠悠何足云。未知肝膽向誰是。令人卻憶平原君。俺武松久住柴皇親莊上。欲投宋公明去。恐他到此。又等了幾日。如今只得別了皇親。打聽宋兄消息。就往陽穀縣尋俺哥哥。走一遭去也呵。

〔北雙調新水令〕老天何苦困英雄。二十年一場春夢。不能勾奮雲程九萬里。則落得沸塵海數千重。浪跡浮蹤。任烏兔枉搬弄。說話中間。早來到景陽崗下。行路飢渴。這里有個酒肆。酒望子上寫着三碗不過崗。這麼說。且進去少坐一回。酒保那里。〔丑應上〕酒酒。有有。賒賒。走走。客官裏面請坐。〔生〕且問你怎麼喚做三碗不過崗。〔丑〕客官。俺這裏造得好酒。人若喫了三碗。就醉倒了。上這景陽崗不得。因此喚做三碗不過崗。〔生笑介〕待俺喫上十來碗。看過得崗過不得崗。〔丑斟酒介〕我這裏只有一樣牛肉。只怕不中喫。用得些麼。〔生〕

〔折桂令〕又何須炙鳳烹龍。〔已下一句一碗〕鸚鵡盃浮。琥珀光濃。卻不道五斗消醒。三盃合道。自有神功。〔丑〕你喫過十二三碗了。就在此宿了罷。〔生醉唱〕何用你虛擔怕恐。俺偏要去。〔走介丑扯介〕還了俺酒錢。俺有話對你說。〔生背云〕前日柴大官人送的盤纏。一路用來。剩不多了。酒保連這包兒與你罷。好教人羞澀囊空。你還有什麼話。〔丑〕你看前面榜文。爲這崗上有一吊睛白額虎爲害。但有單身客人。不許過崗。恐傷性命。〔生做醒介怒云〕不說猛虎。俺便不去也罷。若說有虎爲害。不覺精神抖擻。毛髮倒豎。一定要去拿他。〔丑〕看你不出。倒

是一個喫老虎肉的。俺勸你性命還是直錢的。不去罷。〔生走介〕噯。按不住惡氣忪忪。〔丑扯介〕生推丑一筋斗介生。則是行色匆匆。〔丑〕他自要去送性命。干俺甚事。各人自掃門前雪。休管他家瓦上霜。〔下生醉走介〕趁着這落日熹微。醉眼的這朦朧。已到崗子上。爲何不見什麼大蟲。這廝們都是胡說。連那官府榜文也是譚帳。酒湧上來。待俺少睡片時。〔做半睡介〕內做虎嘯生醒介。呀。果然有個大蟲來了。〔虎跳上介〕

〔雁兒落〕觀潑毛團體勢兇。〔棍打在樹上折介〕呀。這狼牙棍先摧迸。〔內鳴鑼生略住口〕虎三撲生三躲介。俺這里趨前退後忙。這孽畜舞爪張牙橫。〔內又鳴鑼生又住口〕虎三撲生三躲介。

〔得勝令〕呀。閃的他回身處撲着空。轉眼處又亂着蹤。〔拿住虎打介〕這的是虎有傷人意。因此上冤家對面逢。〔內又鳴鑼生又住口〕虎又撲虎掙脫走介。你要顯神通。便做道力有千斤重。〔拿住虎打死介〕虎。你今日途也麼窮。抵多少花無百日紅。花無那百日紅。虎已打死了。且乘這酒興。往前去罷。〔淨未穿虎皮跳上〕呀。又有兩個虎來。俺今番死也。

〔沽美酒兼太平令〕則索逞餘威鬪晚風。逞餘威鬪晚風。〔淨末行走介生〕呀。則見

雙舉步兩挪蹤。〔淨末〕咄。你是人是鬼。敢在此獨行。〔生〕俺是蓋世英豪喚武松。〔淨末〕你

曾遇虎麼。〔生〕試言他兇猛。〔淨末〕你試說一遍。〔生〕貧隅處恁威風。〔淨末〕咦。〔生〕身

一撲山來般重。〔淨末〕咦。〔生〕尾一剪鋼刀般橫。〔淨末〕咦。〔生〕一聲高千人驚恐。

〔淨末〕咦。〔生〕數步遠衆生含痛。〔淨末〕咦。你怎麼不被他害了。〔生〕俺呵。憑着這膽雄

氣雄。空拳兒結果了這大蟲。〔淨末〕咦。如此多謝了壯士。〔生〕呀。教衆口將咱稱頌。〔淨

末〕好教壯士得知。俺們是陽穀縣獵戶。官府立了限期。要拿這大蟲。又近他不得。只得擺下窩弓

藥箭。在此等候。既然壯士打死了他。如今在那裏。〔生〕你們跟轉來。〔走回介淨末遠望怕介〕

〔鴛鴦煞〕〔生〕早難道巖前虎瘦雄心橫。〔淨末〕這等一個大蟲。被你精拳頭打死了。就是

卞莊存孝。也不如你。〔生〕俺笑那提防鎮日無用。〔淨末〕如今你來得去不得了。〔生〕怎麼說。

〔淨末〕少不得送你到縣裏去請賞。〔生〕俺本是逆旅經商。誰想着奏績呈功。〔淨末〕一定

要你同去。〔生背介〕少不得要往陽穀縣尋俺哥哥。便同去罷。〔轉身介〕俺去是要去。則怕那六

巷三街。前遮後擁。沸沸揚揚。教人道陽穀縣沒人打得這虎。被清河縣人打死了。〔丑末對介〕真個羞。〔生〕把陽穀人譏諷。〔淨末〕壯士。你是天下豪傑。也教陽穀人認一認。〔生〕罷罷。〔走介〕只得相從。怎當得他們恁趨捧。〔下淨〕壯士。先走。待俺打虎幾拳。〔末〕死的打他怎麼。〔淨〕我等只會打死虎的。〔擡虎下〕

第五齣 誨淫

〔小女冠子〕〔小旦上〕懨懨挨過傷春病。這永夏怎安寧。歎今生錯把鸞凰聘。幾時稱我風流興。〔玉樓春〕妾家陽穀城中住。小字金蓮潘氏女。芳年十五鬻豪門。主母無端生嫉妬。自憐妾命一何苦。嫁作村郎箕箒婦。常將月老苦埋冤。半生錯配姻緣簿。奴家武大的妻子。只因向年私通家主。被主母妬恨。逼勒嫁差了對頭。這武大身長三尺。家無一椽。賃房居住。賣餅爲活。街坊上人口嘴叫他三寸丁。谷樹皮。又且喫醋燃酸。防閑得緊。教奴終日納悶。幸有隔壁王婆。常來耍笑。少遣悶懷。今日餅已炊熟。催他出去了罷。大哥那裏。〔小丑做矮子上〕

〔秋夜月〕貌取憎。到處人不敬。命裏嬌妻前生定。無錢怎把家緣整。只靠着賣

餅。怕時逢夏景。〔揖介〕大嫂。大嫂。〔小旦覆介〕爲何怕逢夏景。〔小丑〕如今天氣漸熱。恐賣餅不完。明日不中用了。今後少炊些罷。〔小旦〕你如今這等知事。一發有些意思了。〔小丑〕我的意思。只要些茶兒喫。〔小旦〕爲何呢。〔小丑〕喫得餅多了。〔小旦〕不要閒說。餅已炊完。趁早出去賣罷。〔小丑〕就去。就去。〔搖擺介挑擔走介〕無錢怎把家緣整。苦惱只靠着賣餅。阿夜怕時逢夏景。〔小旦〕怎麼這等搖擺。〔小丑〕你不曉得。矮子不擺便是寶。被你常叫我是寶。偏要擺一擺兒。養你一養。〔小旦〕啐。〔小丑叫賣餅下小旦〕這等腌臢村獸。卻不氣死我也。且把前門閉上。叫開了小門兒。請王婆過來閒講一回。〔敲壁介〕乾娘。〔丑應上〕來了。

〔前腔〕福分輕。半世常孤另。十七八個丈夫都不剩。又無兒女堪承領。難捱這老景。把茶坊自整。〔小旦〕乾娘萬福。〔丑〕娘子娘子。每常見你鬱鬱不樂。今日一發着惱。敢是武大郎有甚挺撞你麼。〔小旦〕倒沒有什麼挺撞。〔丑〕是了。只爲嫁差了對頭。以此不樂。〔小旦長吁介丑〕看了武大郎這個模樣。不要說娘子着惱。就是老身也看不得。娘子。

〔東甌令〕你多嬌媚。忒娉婷。守着這區區三寸丁。山雞卻與文鸞並。兩下裏不

相稱。你看等閒春色易飄零。別圖個美前程。

〔前腔〕〔小旦〕夫雖醜。義非輕。一夜夫妻白夜情。自古道爲人莫作婦人身。百年苦樂由人定。想萬事皆天命。乾娘。任他春色自飄零。又圖甚美前程。〔丑〕娘子。你不對我說。我已在隔壁聽得了。〔小旦〕奴家不會說甚麼。〔丑〕你不要瞞我。替你悄悄尋個主顧如何。

〔小旦笑介〕乾娘又來取笑。〔內叫介〕乾娘。有人在此買茶喫。〔丑〕來了。〔別介〕

〔丑〕落盡紅芳又綠陰。

〔小旦〕膩紅愁態靜中深。

〔丑〕從今莫說三分話。

〔小旦〕已自全拋一片心。

第六齣 旌勇

〔夜行船〕〔外扮官小生老旦扮皂隸上外〕時序推移如轉首。環四野麥已先秋。馴雉無功。飛鳧不就。願猛虎渡河北走。威風托鳩巢。徘徊惜羽毛。催科慚政拙。撫字識心勞。下官陽穀縣尹是也。景陽崗猛虎傷人。深爲憂慮。今早從人報說。有一壯士。獨自打死一個大蟲。實爲可驚可喜。叫左右。〔皂應介外〕獵戶到來。即便通報。〔皂〕理會得。〔生上〕

〔前腔〕一虎何勞傳衆口。還須破百萬貔貅。〔淨末擡虎皮上〕昨朝多懼多凶。今日

無災無咎。都是那人成就。〔淨末〕牌頭哥。煩你稟知獵戶與打虎壯士要見。〔稟介外〕着他進

來。〔生〕打虎的磕頭。〔外〕起來。〔淨末〕獵戶磕頭。這虎是他打死的。〔外〕虎且擡在一邊。〔淨末應

介外〕那壯士過來。你是何方人氏。叫甚姓名。多少年紀了。〔生跪介〕老爹聽稟。

〔鎖南枝〕我年齡少。武略多。名松姓武能荷戈。一廛家世清河。爭奈奔馳命多

呵。〔外〕你如今要往那裏去。〔生〕到此陽穀縣尋我哥。過景陽岡遇着虎爲禍。〔外〕這等一

個猛虎。你怎麼就打得他死。起來說。〔生起介〕

〔前腔〕把他先一按。〔介〕就一撲。〔介〕說時遲。那時快。一掀。〔介〕一剪。〔介〕勢甚速。讓

他幾個翻覆。他性兒自摧阻。銳已竭。俺力尙足。兵法有云。〔外〕怎麼說。〔生〕避其銳氣。擊

其惰歸。打虎時是這機軸。

〔前腔〕〔外〕你心偏壯。計不疎。兼資勇謀一丈夫。愧咱職忝民牧。常恐煩苛猛於

虎。伊長兄既居此都。便留伊長行伍。我要補你做土兵都頭。在我縣裏答應。就與你哥哥完